

**ALKATETZA
DEKRETUA**

2020 000002464

Espediente-zenbakia: 2020/IDA_DEK0472**Xedea**

COVID-19a ugaltzearen ondorioz sortutako osasun-alerta dala eta, 2020ko urriaren 23tik aurrera, heriotza kasuetan eta gurtza zentroetan jarraitu beharreko osasun eta segurtasun neurriak onartzea.

Aurrekariak

Lehenengoa: COVID-19aren hedapenak eragindako osasun-alertak sortu dauen egoeraren aurrean, Lehendakariak, martxoaren 13ko 6/2020 Dekretua emon eban, Lehendakariak Euskadiko Herri Babeseko Plana-Larrialdiei Aurregiteko Bidea-Labi zuzentzeko eskumenak bereganatzeko.

Bigarrena: COVID-19ak sortutako osasun krisia kudeatzeko Alarma Egoera ezartzen duen martxoaren 14ko 463/2020 Errege Dekretua onartu zan.

Hirugarrena: COVID-19ak sortutako osasun egoeraren ondorioz, heriotza kasuetarako arauak ezartzeko Osasun sailburuak agindua emon eban 2020ko martxoaren 26an.

Laugarrena: COVID-19aren zabaltzea eta kutsatzea ekiditeko, beilak eta hiletak ospakizunetarako ez ohiko neurriak ezartzen Osasun Ministroaren SND/298/2020 Agindua emon zan martxoaren 29an.

Bosgarrena: 2020ko martxoaren 30eako 872 zenbakidun Alkatetza Dekretu bidez, COVID-19ak sortutako osasun egoeraren ondorioz, heriotza kasuetan jarraitu beharreko osasun eta segurtasun neurriak onartu ziran.

Seigarrena: 2020ko ekainaren 9an, COVID-19ak sortutako osasun krisia aurre egiteko prebentzino, euspen eta koordinazio premiazko neurriak ezartzeko 21/2020 Errege Dekretu-Legea onartu zan.

Zazpigarrena: 2020ko ekainaren 18ko Lehendakariaren 14/2020 Dekretuz, deseskaladarako 3. Fasea gaindituztat eta, horrenbestez, alarma-egoeraren esparruan hartutako neurriak indargabetu eta "normaltasun berria" hastea onartu zan.

**Sinadurea eta data**

Zortzigarrena: 2020ko ekainaren 18an, Osasun sailburuak, COVID-19ak eragindako osasun-krisialdiari aurre egiteko, Normaltasun Berrirako Trantsiziorako Planaren 3. fasea gainditu eta gero, beharrezko prebentzio-neurriei buruzko Agindua emon eban.

Bederatzigarrena: 2020ko uztailaren 28an, Osasun sailburuak, 2020ko ekainaren 18an emondako Aginduaren eranskina aldatzen dauen Agindua emon eban.

Hamargarrena: 2020ko abuztuaren 14an, Segurtasun sailburuak, COVID-19 dalakoaren hedapenaren ondoriozko osasun-alertak eragindako egoera dela eta, Euskadiko Babes Zibileko Plana, Larrialdiei Aurreiteko Bidea-Labi izeneko plana, formalki aktibatzen Agindua emon eban.

Hamaikagarrena: COVID-19aren hedapenak eragindako osasun-alertak sortu dauen egoeraren aurrean, Lehendakariak, 2020ko abuztuaren 15ean 17/2020 Dekretua emon eban, Lehendakariak Euskadiko Herri Babeseko Plana-Larrialdiei Aurregiteko Bidea-Labi zuzentzeko eskumenak beregatzeko.

Hamabigarrena: 2020ko abuztuaren 19an, Osasun sailburuak, 2020ko ekainaren 18an emondako Aginduaren eranskina aldatzen dauen Agindua emon eban.

Hamahirugarrena: 2020ko urriaren 22an, Osasun sailburuak Euskal Autonomia Erkidegoan, COVID-19ak eragindako egoera epidemiologikoaren bilakaera dela eta, osasun publikoko prebentzio-neurriak hartzeko Agindua emon eban.

Argudioak

Lehenengoa: 21/2020 Errege Dekretu-legeak honakoa xedatzen dau:

6. artikuluan: "Uso obligatorio de mascarillas.

1. Las personas de seis años en adelante quedan obligadas al uso de mascarillas en los siguientes supuestos:

a) En la vía pública, en espacios al aire libre y en cualquier espacio cerrado de uso público o que se encuentre abierto al público, siempre que no resulte posible garantizar el mantenimiento de una distancia de seguridad interpersonal de, al menos, 1,5 metros."

13. artikuluan: "Actividades de hostelería y restauración.

Las administraciones competentes deberán asegurar el cumplimiento por los titulares de bares, restaurantes y demás establecimientos de hostelería y restauración de las normas de aforo, desinfección, prevención y acondicionamiento que se determinen.

En cualquier caso, deberá asegurarse la adopción de las medidas organizativas que resulten necesarias para evitar aglomeraciones tanto dentro del establecimiento como en los espacios de terrazas autorizados y garantizar que clientes y trabajadores mantengan una distancia de seguridad de, al menos, 1,5 metros. Cuando no sea posible mantener dicha distancia de seguridad, se observarán las medidas de higiene adecuadas para prevenir los riesgos de contagio."



16. artikuluan: "Otros sectores de actividad.

Las administraciones competentes deberán asegurar el cumplimiento por los titulares de cualquier otro centro, lugar, establecimiento, local o entidad que desarrolle su actividad en un sector distinto de los mencionados en los artículos anteriores, o por los responsables u organizadores de la misma, cuando pueda apreciarse riesgo de transmisión comunitaria de COVID-19 con arreglo a lo establecido en el artículo 5, de las normas de aforo, desinfección, prevención y acondicionamiento que aquellas establezcan.

En todo caso, se deberá asegurar que se adoptan las medidas necesarias para garantizar una distancia interpersonal mínima de, al menos, 1,5 metros, así como el debido control para evitar las aglomeraciones. Cuando no sea posible mantener dicha distancia de seguridad, se observarán las medidas de higiene adecuadas para prevenir los riesgos de contagio"

Bigarrena: Osasun sailburuak urriaren 22an emondako aginduan honakoa xedatzen da:

2. artikuluan: "Prebentzio-neurriak.

Neurri horiek mugatu eta osatu egiten dituzte Osasuneko sailburuaren 2020ko abuztuaren 19ko Aginduaren eranskinean ezarritakoak. Agindu horren bidez, laugarren aldiz aldatu zen COVID-19ak eragindako osasun-krisialdiari aurre egiteko beharrezko prebentzio-neurriei buruzko Osasuneko sailburuaren 2020ko ekainaren 18ko Aginduaren eranskina, Normaltasun Berrirako Trantsizioarako Planaren 3. fasea gainditu eta gero. Plan hori, 2020ko uztailaren 28ko eta abuztuaren 7ko Agindu bidez aldatu zen. Neurri horiek erabat aplikagarriak dira xedatutakoarekin kontraesanean ez dauden bitartean, eta oro har emandako beste xedapen batzuei kalterik egin gabe, horiek ere aplikagarriak izango baitira. Herritarrek aktiboki lagundu beharko dute agindu honetan ezarritako prebentziozko osasun-neurriak betetzen"

3. artikuluan: "Efikazia.

Neurri hauek 2020ko urriaren 23tik 2020ko azaroaren 4ra arte egongo dira indarrean, biak barne, eta luzatu, aldatu edo ondorioz gabe utzi ahal izango dira, egoera epidemiologikoaren arabera. Egoera hori etengabe ebaluatuko da gaixotasunaren bilakaera behatzeko.

Ondorio horietarako, aldatu ahal izango dira edo ondorioz gabe utzi ahal izango dira osasun-arloan eskumena duen saileko titularraren aginduz, baldin eta egiaztatzen bada osasunaren ikuspuntutik egokiagoak diren neurriak hartu behar direla gaixotasunaren hedapenari eusteko.

Era berean, agindu honetan hartutako neurriez gain, Osasuneko sailburuak beste neurri murriztaile batzuk hartu ahal izango ditu bere egoera epidemiologikoa larriagotzen den udalerrri edo eskualdeetan".

Eranskineko 4. artikuluan: "Beilak eta ehorzketak.

4.1.– Beilak mota guztietako instalazioetan egin ahal izango dira, publiko zein pribatuetan; behar bezala gaituak izan beharko dira, eta, gehienez ere, 30 pertsona izan ahalko dira aire zabaleko guneetan, eta 6 pertsona espazio itxietan, bizikideak izan edo ez. Bertaratuen kopurua txikiagoa bada, ezingo da gainditu baimendutako edukieraren ehuneko 50.

4.2.– Hildako pertsona bat ehorzteko edo haren errausketa-agurra egiteko segizioan, gehienez ere 30 pertsonak parte hartu ahal izango dute, ekitaldia leku irekian egiten bada. Gainera, hala badagokio, hildakoa agurtzeko hileta-errituak egiteko dagokion konfesioko kultu-ministroak edo antzeko pertsona batek ere parte hartu ahal izango du. Leku itxian egiten bada, gehienez ere 10 pertsona izan ahalko dira, eta pertsonen arteko segurtasun-distantziari eutsiko zaio beti.

4.3.– Kasu guztietan, nahitaezkoa izango da maskara erabiltzea denbora guztian."

Eranskineko 5. artikuluan: "5.– Kultu-lekuak.



Kultu-lekuetan ezingo da edukieraren ehuneko 50eko kopurua gainditu, eta, nolahi ere, erabiltzaileen artean 1,5 metroko distantzia egon beharko da. Kulturako erabiltzen den espazioko ikusteko moduko toki batean erakutsi beharko da gehieneko edukiera”.

Hirugarrena: Agindu honeetan aurreikusi gabekoari jagokonez, Euskal Autonomia Erkidegoko Hilotzen Osasunari buruzko Erregelamendua (urriaren 19ko 202/2004 Dekretuaren bidez onartua) aplikatuko da, bai eta Osasun Ministerioak egindako dokumentu teknikoak ere, Covid-19 kasuen gorpuak maneiatzeko prozedurari buruzkoa.

Laugarrena: Edozein kasutan Osasun Ministerioak eta Osasun sailak emandako gomendioak eta aginduak errespetatu beharko dira.

Bosgarrena: Erabagia hartzeko ahalmenari jagokonez, Toki Entitateen Erregimenaren oinarriak onartzen dauzan 7/1985 Legearen 21.1.m) artikulua arabera, alkateari jagoko, beti be Osoko Bilkurari erabagi horren barri emonda egiten dan lehenengoko batzarrean.

Erabagia

Hori guztia dala eta, honakoa erabagi dot:

LEHENENGOA: COVID-19a ugaltzearen ondorioz sortutako osasun-alarma dala eta, 2020ko urriaren 23tik eta azaroaren 4ra, kontrako agindurik emoten ez dan bitartean, heriotza kasuetan eta gurtza zentroetan jarraitu beharreko osasun eta segurtasun neurri honeek onartzea:

- Beiletara, danatara, 30 pertsona joan ahal izango dira aire zabalean, eta 6 leku itxietan egiten badira, bardin bizikideak izan zein ez. Kopurua txikiagoa bada ezingo da %50ko aforoa gainditu.
- Lurperatze edo errauste agurretan, gehienez 30 pertsona eta erlijioaren araberrako apaiz edo zerbitzari batera mugatzen da parte hartzaileen kopurua, aire zabalean. Leku itxietan egiten bada, gehienez 10 pertsona egon ahalko dira.
- Parte hartzaileek gitxieneko distantzia (1,5 m.) bermatu beharko dabe, ahoa babesteko maskarila erabiliko dabe eta Osasun agintariak emondako ganerako gomendioak jarraitu beharko dabez uneoro.
- Edozein kasutan Osasun Ministerioak eta Osasun sailak emandako gomendioak eta aginduak errespetatu beharko dira.

BIGARRENA: COVID-19ak sortutako osasun egoera kudeatzeko, gurtza zentroetan jarraitu beharreko osasun eta segurtasun neurri honeek onartzea:



- Bertaratutakoen kopurua ezingo dau aforoaren %50a gainditu. Gehienezko aforoa argitaratu eta ikusgai egon beharko da.
- Parte hartzaileek gitxieneko distantzia (1,5 m.) bermatu beharko dabe, ahoa babesteko maskarila erabiliko dabe.
- Eraikinaren kanpoaldea edo bide publikoa erabili gura bada, udalaren baimena beharko da eta parte hartzaileen arteko gitxieneko distantzia bermatu edo babes fisikoak ipini beharko dira.
- Osasun agintariek emondako generako gomendioak jarraitu beharko dabez uneoro.

HIRUGARRENA: Erabagi hau ehorztetxe, tanatorio, lurperatzaile eta gurtza zentroeri jakinaroztea.

LAUGARRENA: Idazkaritza Sailari, ATB Sailari eta Zerbitzu Sailari erabagiaren barri emotea.

BOSGARRENA: Erabagia Bermeoko Udalaren web gunean argitaratzea.

SEIGARRENA: Hurrengo Tokiko Gobernu Batzarrean eta Osoko Bilkurean Dekretuaren barri emotea.

Oharra: sinadurea eta data orri-oinean .



Agiri hau benetakoa dala udalaren egoitza elektronikoan egiaztatu ahal dozu.

Kodea:
07E400051DDD00A0W9K7J5H7A1

Sinadurea eta data

ARITZ ABAROA CANTUARIENSE-BERMEOKO ALKATEA - 23/10/2020
CN=tsa.izenpe.com, ORGANIZATIONIDENTIFIER=VATES-A01337260, O=IZENPE S.A., C=ES - 23/10/2020
13:13:23

EXPEDIENTE ::
2020IDA_DEK0472
Data: 30/03/2020
Lekua: Bermeon
Erregistro unidatea:
Erregistro nagusia

